

武
經
總
要



詳校官中書臣閔思毅

編修臣倉聖脈履勘

總校官知縣臣繆琪

校對官中書臣高中

騰錄監生臣閻學洙

欽定四庫全書

武經總要後集卷十一

故事十一

宋

曾公亮等撰

新集可擊

擊未集附

半濟可擊

飢渴可擊

心怖可擊

奔走可擊

氣衰可擊

糧盡可擊

糧道不繼必遁附

不得地利可擊

天時不順可擊

不暇可擊

不戒可擊

將離部伍可擊

撓亂可擊

陣久力疲必敗

攻不整

敵無固志可擊

擊不備

出不意

大陣動可敗

擊未成列

新集可擊

擊未集附

蜀劉先主遣吳蘭屯下辨曹操遣屬鋒將軍曹洪禦之

以曹休為騎都尉蜀主遣張飛屯固山欲斷軍後
眾議狐疑休曰蜀實斷道宜及未集擊蘭蘭破飛
自走矣從之進兵擊蘭破之飛果走

後漢曹操征張魯定漢中劉熯進說曰今舉漢中蜀人
望風破膽矣劉備人傑也新得蜀人猶未附今破
漢中蜀人振恐其勢自傾以公之神明因其傾而
壓之無不尅也若小緩之諸葛亮明於理而為相
關侯張飛勇冠三軍而為將蜀人既定據險守要

則不可犯也今不取必為後憂曹公不從居數日
蜀降者說蜀一月數十驚備斬之而不能禁也曹
公又問熈曰今尚可擊否曰今已小定未可擊也
齊高歡伐西魏至許原西宇文泰拒之至渭南召其兵
皆未至諸將以衆寡不敵請待歡更西以觀之泰
曰若至咸陽人情轉搔擾今及其新至便可擊之
即造浮橋於渭令軍人賫三日糧輕騎渡渭輜重
自渭南夾渭而軍李弼謂泰曰彼衆我寡不可平

地置陣此東十里有渭曲可先據以待之遂進至渭背水為陣李弼為左拒趙貴為右拒命將士皆偃戈於葭蘆中日晡齊師至望見秦軍少競萃於左軍亂不成列秦乃鳴鼓士皆奮起合戰李弼率鐵騎橫擊絕其軍為二遂大敗之

太宗時命李靖為西海行軍大總管討吐谷渾伏羌以侯君集及任成王道宗並為之副使次鄯州君集言於靖曰大軍已至賊虜尚未走險宜簡精銳長驅疾進

彼不我虞必有大利若此策不行潛遁必遠山障為
阻討之實難靖然其計乃簡精銳輕賫深入道宗追
及伏羗之衆於庫山破之伏羗輕兵入磧以避官軍
靖乃中分士馬為兩道並入靖與薛萬均李大亮趣
北路且使君集道宗趣南路歷破邏真谷踰漢哭山
經途二千餘里行空虛之地盛夏降霜山多積雪轉
戰過星宿川至于柘海頻與虜遇皆大尅獲北望積
石山觀河源之所出焉乃旋師與李靖會于大非川

本朝太宗征太原時節度使何繼筠把石嶺關大戎來
援繼筠率數千騎禦之虜至乘其未成列遽麾兵
擊之虜衆大潰追奔數十里

太祖親征澤潞車駕次滎陽西京留守向拱朝于行在
召拱與語拱曰李筠逆節久露兵勢漸成陛下宜
速濟大河歷太行乘其未集而擊之平之必矣或
稽泱旬恐賊鋒銳難為力矣筠在澤州五月戊辰
王師薄其城下癸酉拔其城

半濟可擊

春秋時宋公及楚人戰於泓宋人既成列楚人未既濟

未盡渡
泓水

司馬曰

子魚也

彼眾我寡及其未濟也請擊

之公曰不可既濟而未成列又以告公曰未也既

陳而後擊之宋師敗績公傷股門官殲焉

門官守門者師

行則在君左右殲盡也宋公違之故敗

吳伐楚楚師敗及清發

水名

將擊之夫槩王曰困獸猶鬪

况人乎若知不免而致死必敗若使先濟者知免

後者慕之蔑有鬪心矣故半渡而後可擊也從之
又敗之楚人為食吳人及之奔食而從之敗諸雍

蒞音誓五戰及郢奔食食者奔而不陣

項羽引兵東擊彭越令大司馬曹咎謹守成臯即漢王
欲挑戰慎勿與戰漢果數挑戰楚軍不出乃使人
辱之咎怒渡兵汜水半渡漢擊之大破楚軍

後漢末黃巾賊三十萬眾入渤海界欲與黑山合公孫
瓚率步騎二萬人逆擊於東光南大破之斬首二

萬餘級棄重車數萬兩奔走渡河瓚曰因其半濟薄之賊徒大破死者三萬

魏將郭淮在漢中劉備欲渡漢水來攻時諸將以衆寡不敵欲依水為陣以拒之淮曰此則示弱而不足以剋敵非筭也不如遠水為陣引而致之半渡而後可擊備可破也既陣備疑不敢渡

魏鍾繇都督關中匈奴單于作亂平陽繇帥諸軍圍之未拔而袁尚所置河東太守郭援到河東兵衆甚

盛諸將議欲釋之去繇曰袁氏方彊援之來關中
陰與之通所以未悉叛者顧吾威名故耳若棄而
去示之以弱所在之民誰非寇讎縱吾欲歸其得
志乎此為未戰先自敗也援剛愎好勝必輕易吾
軍若渡汾為營及其未濟擊之可大尅也援果輕
渡汾衆止之不從濟水未半擊大破之

隋煬帝征高麗將宇文述與九軍過鴨綠水東濟薩水
去高麗平壤城三十里因山為營高麗國相乙支

文德偽降請迷還師奉其主高元朝行在所述見
士卒疲弊不可復戰又平壤險固卒難致力遂因
其詐而還半濟賊擊後軍於是大潰不可禁止將
士奔還一日一夜至鴨綠水行四百五十里初渡
遼九軍三十萬五千人還至遼東城惟二千七百
人矣

唐武德初羅藝為幽州總管竇建德率衆十萬來寇藝
將逆戰薛萬均曰衆寡不敵今若出戰百鬪百敗

當以計取之可令羸師弱馬阻水背城為陣以誘
之賊若渡水交兵請公精銳百人伏於城側待其
半渡而擊之必敗矣從之建德引兵渡水萬均邀
擊大破之

本朝石保興為銀夏都巡檢使嘗巡黑水河戎人知之
以數千騎邀戰保興所部不滿三千賊恃眾據險
渡河求戰保興分短兵伏於河澌候戎師半渡即
發之疾戰大有斬獲